



Inatsisartunut ilaasortaq Randi V. Evaldsen, Demokraatit

Akissuteqaat § 37 naapertorlugu apeqqutinut – 019 2018, 'Ilinniarfinnik nuussinerit'

01.02.2018

Asasara Randi V. Evaldsen,

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Inatsisartut suleriaasianni § 37, imm. 1 naapertorlugu tulluittuni pineqartunik apeqqutinik saqqummiussaqaarsimavutit inuussutissarsiutinut ilinniartitaanernut tunngatillugu. Naalakkersuisut apeqqutitit qujassutigaaq ingerlatsivinniillu pineqartunit paasissutissanik piniarsimallutik.

1. Sanasut qassit naammassinikuuppat Nuummi KTI-p immikkoortortaata pilersinneqarnissaa sioqqullugu?

Akissut: Sanasutut ilinniartitaaneq Nuummi pilersinneqarpoq Inersimasunik ilinniartitsisarneq pillugu Namminersorerullutik Oqartussat nalunaarutaat nr. 25, 7. december 2000-imeersup atortuulerneranut atatillugu. Piffissami 1998-2000 inuit pingasut sanasunngorniarluni ilinniakkamik Sisimiuni KTI-mi naammassisaqaarsimapput, inuilli 63-it ilinniakkap ilaannik ingerlatsinerminni naammassisaqaarsimallutik.

2. Nuummi Sisimiunilu ilinniarfinni qassit naammassinikuuppat (kisitsisinnorlugu takutinneqarsinnaavoq takuniassagatsigu ilinniarfinni ataasiakkaani qassit naammassinikuusimanersut)?

Akissut: Nuummi sanasunngorniarluni ilinniartitaaneq Kalaallit Nunaanni Teknikkimik Ilinniarfiup (KTI) ilagaa, taamaattumillu ilinniarfittut ataasiinnartut taanna Ilinniagaqarnerisuteqarnermut ingerlatsiviup nalunaarsuiffiani allassimalluni. Nuummi sanasunngorniarunik ilinniartitsineq taamani aallartinneqarpoq naatsorsuutigalugu aserfallatsaaliernermit tunngasumik suliniutissat amerlasuut aallartinneqarumaartut, inissiat amerlasuut annertuumik aserfallassimanerannik tunngaveqartumik. Ilinniartitaaneq sanasunngorniarlutit inersimasunut sammititaavoq. Ukiunili kingullerni ineriartorerup ersersissimavaa inersimasutut ilinniartunngorniarlutit ikiliartoreri, ilikkagassatigullu naammaginarlutit angusassaqaartitsiumalluni KTI-p qinersimallugu sanasunngorniarlutit ilinniartunngortartut inuusuttuaqqat (nalinginnaasut) ilinniartitaanermi tiguneqartarnissaat.

Ataani tabelimi takutinneqarput inuusuttuaqqat aamma inersimasut ilinniagaqartartut Nuummi aamma Sisimiuni, piffissami 2010-2017.

	2010	2011	2012	2013	2014	2015	2016	2017
Nuuk								
Inuusuttuaqqat	7	4	10	7	9	6	9	4
Inersimasut	6	12	7	3	1	5	4	3
<i>Katillugit</i>	13	16	17	10	10	11	13	7
Sisimiut								
Inuusuttuaqqat	20	28	27	24	25	24	17	13
Inersimasut	2	0	3	2	3	1	0	1
<i>Katillugit</i>	22	28	30	26	28	25	17	14
Katillugit	35	44	47	36	38	36	30	21

3. *Saviminilerinermut Ilinniarfiup nuunnissaanut atatillugu pissutaasut misissuiffigineqarnikuppat?*

Akissut: Naalackersuisut 2017-imi aalajangerput Naalackersuisut anguniagaanni suliffeqarfinnik Nuummiit sinerissamat nuussisarnissat qitiusumik inissisimassat. Tamatumani siunertaasoq tassaavoq nukiit periarfissallu nunatsinni sumi tamani inissisimasut iluaqutigineqarnissaat, taamalu ineriartornermik aamma suliffissanik najukkani assigiinngitsuni nunatsinni sumiiffinni pilersitsiortortoqarluni.

Taamaattumik Naalackersuisut 2017-ip ukiaani siunnersuisartut BDO suleqatigalugu sulissutigalugit aallartippaat naatsorsuisitsinerit, qanoq akeqassanersoq ilinniarfinnik Nuumminngaaniit sinerissami illoqarfinnut nuussisoqartassappat. Naatsorsuinerit suliarineqarput suliffinnik aamma sulisunik allamat nuuttoqartarnissaanik tunngaveqartumik. Ilinniartussarsiniartarnermut aamma ilinniartunut inissaqartitsinermut sunniutaasussat, kiisalu aamma sullivinni avatangiisinut sunniutaasussat, aammalu ilinniartitsissarsiornermi sunniutaasussat misissorneqarput.

4. *Pilersaarutigineqartut ilinniarfinnik nuussinissat imminut akilersinnaappat?*

Akissut: Naalackersuisut kissaatigaat nuna periarfissaqarfiusoq inuuffigissagippat, najugaqarfigissallugu aammalu isumalimmik suliffissaqarfigissallugu periarfissaqartitsisoq, aamma Nuup avataani. Naalackersuisut pilersinniarpaat ineriartorneq, siuariartorneq aamma periarfissat, nunatsinni tamarmi. Nunatsinni tamarmi naligiissumik ingerlatsineq periarfissaqartitsinerlu pilersikkumallugit assut pingaaruteqarpoq periarfissanut taamaattunut killiliussanik pilersitsinissaq. Tamatumani pisortat ingerlatsivii peqataasariaqarput sallaarsaallutik, piffissap ingerlanerani nunatsinni sumiiffinni tamani ingerlatsinerup annertunerulernissaanut.

5. *Ilinniarfinni ilisimasat piginnaanerillu ullumikkut pioreersut piginnarnissaat qanoq qularnaarneqarniarpa nalunngilarpummi sulisorpassuit nooqataanissartik kissaatiginnikkaat.*

Akissut: Saviminilerinermik Ilinniarfik nunatsinni Teknikkimut Ilinniarfiup (KTI) ilagaa, angusassaqarfiusuni assigiinngisitaartuni ilinniartitaanernik arlalissuarnik assigiinngitsunillu qaffasissuseqartunik ingerlatsiviusoq. Ilinniarfiulli ilikkagassatigut immikkut aallutarai teknikkimut, assasornermut aamma pinngortitamik ilisimatusarnermut sammiveqartut ilinniartitaanerit.

Sumiiffimmut ataatsimut katersuutsitsineq peqataassaaq ilinniartitaanermi avatangiisit atugassarititaasut ineriartortinnissaannut, kiisalu ilalersuissalluni ilinniartitaanerit ataasiakkat aamma ilisimasat assigiinngitsut ataatsimoortullu peqatigiinnerulernerannut. Ilikkagassalerisut avatangiisiisa annertussuseqarnissaat pisariaqarpoq, ilikkagassanik eqaatsumik ineriartortitsiviusinnaassagunik, ilinniartitaanernilu sunneqatigiinneq pinngortinneqassappat. Tamanna Saviminilerinermik Ilinniarfiup siunissamut sammisumik periarfissaqarfigilissavaa, ilinniartitsisunut aamma ilinniartunut tunngatillugu EUD-mi, GUX-imi imaluunniit Ilisimatusarfinni ilinniagartuunngorniarfinni. Ilikkagassalerinermi sunneqatigiittarneq ilisimasassanik tunngaviusunik nukittorsaasuusaaq, aammalu inuusuttunut ilinniartitaanernut, qaffasinnerusunik ilinniartitaanernut aamma ilisimasarnernut atassusiissalluni, imminnut nukittorsaqatigiiffiusumik.

Ilisimasassami avatangiisitigut nukittuutigut aamma ajornannginnerulissaaq soqutiginnilersitsisarnissaq sulisussarsiortarnissarlu ilinniartitsisussanik, piumaneqartunik tulluuttunillu ilikkagassalerinermi ilisarnaateqartunik, ineriartortitsinermilu tunngavissanik annertunerulersitissalluni.

6. *Suliamut tunngasunik allanik soqutiginartunik Naalakkersuisut paasissutissiisnaappat?*

Akissut: Saviminilerinermik Ilinniarfik Nuummiiitoq maanna nalilerneqarpoq suli ukiuni pingasuniit tallimat angullugit atorsinnaasutut. Aningaasaliissutissat pisariaqartinneqartut pissarsiarineqarsinnaaneritut tunuarsimaarutissat tunuarsimaarutigalugit, Naalakkersuisut anguniagaraat maanna Saviminilerinermik Ilinniarfiup inissisimaffigisaaniit nuunnissaq naammassineqarsinnaassasoq maanna Ilinniarfiup atorsinnaaffigisaata piffissap iluani.

Qularnaarumallugu nuussinissamik suliap naapertuuttumik piffissalersugaanissaa, kiisalu qularnaarumallugu suliarilluagaasumik sanaartugassamut nutaamut aningaasartuutissanut missingersuusiortoqarnissaa, Naalakkersuisut aalajangersimapput sanaartornissamut nutaassamut Saviminilerinermut Ilinniarfissamut pilersaarusiortitsineq aallartinneqassasoq. Suliniummik pilersaarusionerq taanna naatsorsuutigineqarpoq 2018-ip aallartinnerani aallarnerneqassasoq, tunngaviussallunilu aningaasanut inatsisissamut tulliuuttussamut pilersaarusionermit tulleriarinissanut.

Inussiarnersumik inuulluaqqusilluta
Med venlig hilsen

Doris J. Jensen